

分星 星占

天官家言奧邃難稽作志者必及星野蓋倣班掾前漢書志天文體也而探源宿海實始於壽春義和及周禮保章氏鄙雖曷邑亦繫躔次固不得若若也

列聖相承箕畢協好天清地寧海晏山陔久沐郵潛然以師尹惟日之義推之則仰瞻垂象惕然興敬畏之心亦天末小臣所不得夙夜或忘者也因慎擇舊聞志天文一類俾後之覽者得以攷焉

鄞縣志

卷一

星野

分星

分星

周禮保章氏掌天星以星土辨九州之地所封封域皆有分星以觀妖祥鄭註鶉尾楚也

左傳鶉尾為楚

史記天官書翼軫荆州軫旁有一小星曰長沙

西漢志翼軫楚之分野今之南郡長沙皆楚分

班固三統歷自張十七度至軫十一度為鶉尾於辰在巳

楚分野屬荆州

春秋元命苞軫星散為荆州

春秋緯大別以東至雷澤九江荆州主衡星

《易》周易起張十三度至軫七度爲鶉尾荆州分  
蔡邕月令章句起張十二度至軫六度謂之鶉尾  
晉書翼軫鶉尾荆州

皇甫謐世紀自張十八度至軫十一度曰鶉尾之次於辰  
在巳謂之大荒落於律爲夷則斗建在申今楚分野

唐書翼軫鶉尾之次位在巳初張十五度中翼十二度終  
軫九度其分野自房陵自帝而東盡漢之南郡江夏東達  
廬江南郡濱彭蠡之西得漢長沙武陵桂陽零陵郡又逾  
南紀盡鬱林合浦之地翼與張同象當南河之北軫在  
天關之外當南河之南其中一星主長沙逾嶺徼而南爲

鄱縣志

卷一

星野 分星

東甌青邱之分

新唐書鶉尾建巳之月內列太微爲天庭其分野自南河  
以至負海亦純陽地也布太微之政而在巽維外者鶉尾  
也故爲烈山之墟

星經玉衡第四星主荆州又曰熒惑主霍山揚州荆州交  
州又曰主楚吳越

邢昺爾雅疏長沙軫十六度今長沙寶慶衡州岳州所屬  
巴陵臨湘平江等地

湖南通志按長沙入軫十六度北抵岳州之巴陵以及臨  
湘平江南表之衡陽衡山鄱縣安仁迤而西南得雲夢之

邵陽新化皆古長沙地爲軫之終度焉

明天文分野書湖廣布政司所屬德安府之隨州襄陽之均州光化縣皆張分張十六度至軫九度鶉尾之次也湖廣之武昌府興國州荊州府歸夷陵荊門三州黃州府蘄州襄陽德安二府安陸沔陽二州皆翼軫分長沙府軫旁小星曰長沙子應其地衡州府桂陽州永州府全道二州岳州府常德府澧州辰州府沅州漢陽府榔靖二州寶慶府武岡鎮遠二州皆翼軫分

星占

前漢書陰陽之精其本在地而上發於天政失於此則變

鄱縣志

卷一

星野 星占

三

見於彼猶景之象形響之應聲是以明君觀之而寤飭身正事恩謝其咎則禍除而福至自然之符也

史記吳楚之疆候在熒惑占於烏衡熒惑爲火星主南方之國翼爲羽翮主遠客正義翼二十一星爲天樂府又主遠客占明大禮樂興四夷服 軫爲車主風其旁一小星曰長沙星正義軫四星主冢宰輔臣又主車騎亦主風占明大則車騎用長沙一星在軫中主壽命占明則主長壽子孫昌索隱軫與巽同位爲風車動行疾似之也

漢書軫旁有一小星曰長沙星星不欲明明與四星等若五星入軫中兵大起

張衡東漢志斗玉衡第五星主荊州專以五卯日候之乙卯爲南陽己卯爲零陵辛卯爲桂陽癸卯爲長沙丁卯爲武陵

諸葛亮志彗星犯翼軫楚地大兵人民災 星孛鶉尾荆域有憂 星孛於軫太白彗星在軫俱主兵 黑雲氣貫翼軫荆楚水 辰星守軫歲大水 歲星蝕月在翼軫楚地饑 歲星太白辰星守軫兵災興 太白犯軫荆楚有兵 白氣貫北斗主大風

晉天文志翼二十二星天之樂府俳優又主遠客負海之寶星明大禮樂興四裔賓動則蠻裔使來 軫四星主冢星明則車駕備動則車駕用轄星附軫兩旁主王侯左轄爲王者同姓右轄異姓

宋天文志北斗星明主天下昌第五星不明或變色楚地災 翼星明禮樂興四夷來賓 青邱七星在軫東南蠻裔之國號守常則吉 器府三十二星在軫宿南樂器之府也明則八音和君臣平

星經主衡主荊州廣野荊州屬衡占衡星明天下昌衡星不明或變色廢正樂務淫聲 月蝕在翼歲旱 星孛於近太微上將兵興有災 軫七星主將軍樂府歌謔之

事若光耀則天下島萬民康四海歸王太白守之天下學  
校散文儒失業 北星爲轄去軫五寸南星爲膏去軫一  
尺爲常欲其近軫則上下和睦遠則君臣相疑小而明則  
國祚安明大與四星等則兵大起微暗諸侯憂 軫南三  
十二星曰器府樂器之屬耀則禮樂興暗則有咎

林志按義和有命梓竈專官分野星占其來舊矣顧推  
測匪易後之作志者不過措摭天官難爲典要而推步  
之方積筭成度自應不遺一邑故仍采錄舊文以備觀  
覽然翼軫二宿不惟概括全荆並及粵西嶺徼之外史  
所稱長沙入軫十六度之說已不必確鑿則衡郡可知

鄱縣志

卷一

星野

星占

五

况叢爾一鄱度益難分星仍統載是分地尚屬事實分  
星究屬虛名後之覽者尚勤修人事毋徒於天道之遠  
強作解事哉